

PELLO ZUBIRIA

Nork ordainduta mozorrotu zen ekologistaz polizia?

Bederatzi urtez aritu zen Mark Kennedy Britainia Handiko militante ekologista sutsuenen artean poliziarentzako eta konpainia pribatuentzako zakur lanean, hanka sartze ttiki batek agerian utzi duen arte. Zergatik eta zertarako? Antza denez, ingurumenaren aldeko ekintzak burutzen dituzten taldeak terrorista arriskutsutzat dauzkate.

IAZKO APIRILEAN 114 EKINTZAILERI eraso zieten polizia ingelesak Ratcliffe-on-Soar herriko eskolan, bertako zentral termikoa asaltatzeko prestakuntzetan ari zirela. Egoitza publikoan baimenik gabe sartzeagatik auziperatu zituzten hogeitasei; sei espetxean egon dira geroztik ikatzeko zentrala matxuratu nahi zutelakoan... harike eta duela hamabost egun demostratu zen arte tartean polizia infiltratu bat zebilela. Defentsak argudiatu zuen polizia aritu zela legez kontrako azioa burutu zedin xaxaka.

Mark Kennedyren izena madarikatuko dute ingurumenari eta ekologiarik lotutako gatazketan murgildurik dabilzan ekintzaileek. Mendebalde aberatseko gatazken berri nahi duenak, berriz, analisiak osatzeko behar diren hari muturrak aurkituko ditu sasi-ekologista ustelaren istorioan.

Honela laburbildu zuen albistea *Daily Telegraph*ek: “Mark Kennedy eko-zomorroia agerian geratzeak azaldu du infiltratuta ari diren polizien kontrolik eza, eta susmoak piztu ditu aktibisten artean”.

Kennedy 30 urte zituela eta hiriburuko polizian ari, National Public Order Intelligence Unit (NPOIU) sailak begiz jo zuen ezkutuko lanetarako. NPOIU ei da Erresuma Batuko polizia sekretuaren barruan “ekintzaile berdeak” pertsegitzeko lanean ari dena. Kennedyk txima luzeak utzi

zituen, Stone abizen berria eman zioten, infiltraziorako prestaketa lanak egin eta 2003an azaldu zen Yorkshire eskualdeko kanpaleku batean, ekin-tzan murgiltzeko irrikaz.

Komunikabideek literatura franko sortu dute *pajaro*aren kontura. Beti lanerako pronto zegoela, beste inor baino ausartago jokaten zuela, oso eskuzabala zela bere diruarekin, horrelako azioetarako primeran datorren furgoneta handi batean mugitzen zela... eta hori guztia gutxi bazen, gizon ederra zela. Hitz batez esanda, *alfa ar* bat zela: sekulako arrakasta emakumeekin.

Britainia Handiko ekintza askotan hartu omen zuen parte, tartean *Gleneagles*-en 2005ean G8aren bilkura zela-eta antolatutakoetan. European barrena ere ibilia zen, Alemanian, Islandian, Irlandan, Holandan, Espainian... Horrelako agentearekin pagotxa zeukaten polizia buruek, informazio iturri aparta.

2009ko apirilean gertatu zen aipatu dugun *Ratcliffe-on-Soar*rekoa, zienta bat militante indargabetu zituztela zentral elektriko bat sabotatuzera zihoazenean. Kennedy izan zen ihes egin zutenetako bat, gero inguruko pub batean burkide burumakurrei birra bana pagatu ziena. Handik laster Kennedyk polizia lana utzi omen zuen, ez ordea espioitza, *freelance* moduan segitu baitzuen sala-

Britainia Handian ekintza zuzenetan ari diren mugimenduen informazio eta analisiak zabaltzen dituen *SchNews* guneak dauka Interneten Mark “Stone” Kennedyren argazkietako bat. Bigarrena *Indymedia*ren Erresuma Batuko edizioan ipini dute, han berrikitan agerian geratu diren hiru polizia mozorrotuen albistean. Kennedy ageri da bankuen kontrako ekintza batean burdinezko ateari kateaturik, poliziaz inguratutik, horietako bat filmatzen ari zaiola. Ingalaterrako talde ezkertiar, anarkista, antifaxista eta ekologiko asko aztoratu ditu infiltrazioaren berri jakiteak. Aukera politiko bareagotan dabilzan iritzi emaille askok ere adierazi du kezka. Ez dute konprenitzen nola erabili daitezkeen konraintsurgentziako estrategiak horrelako taldeen kontra. Operaziootan xahutu diren dirutetz galdetu dute beste batzuek. Informazioa nork eta zertarako erabiltzen duen ere bai.

tari. *Daily Mail*ek publikatu du E.ON energi multinazionalak pagatuta aritu zela.

Urriaren erroi zen, mozoloa legez, benetako pasaportea agerian laga zuenean eta orduan berarekin zebilen neskalagunak ikusi. Hondoa jo omen zuen, egindakoak aitortu eta ekologisten artean mozorrotutako *cop* gehiagoren berri eman. Penitentzia gisa, lehen saldutako kideen aldeko lekuko izatea eskaini zuen.


Gero Ingalaterratik ezkutatu zen. Agidanean, Estatu Batuetan dabil.

Paranoiak eta manipulazioak

Polizia infiltratua hurbiletik ezagutu zuen Emily Apple ekintzaileak bere egonezina azaldu du *The Guardian* egunkariari igorri idatzi batean: “Badakigu gure mugimenduak behin eta berriro zulatzen dituztela; kontua ez da ea gertatzen ote den, kontua da nor den salataria”.

Appleren iritzian, horrelako zomorroiak polizia buruei informazioa emateaz gain mugimendua eze-gonkortzea bilatzen dute. Hasteko, filtrazioengatik paranoiak kalte handiak eragiten dituelako taldeetan. Baina hauen estrategia eta taktiketan ere eragin dezakete.

Kasu bat aipatu du Emily Applek. Duela urte pare bat Bradford hirian ekintza zuzeneko taldeak ari omen ziren eztabaidan, zer egin han



Inglaterra, Gales eta Ipar Irlandako polizietako ofizialek osatua; hori dela eta informazio askatasuna babesten duten legeak ez dio eragiten, eta barne dokumentuak plazaratzeko obligaziorik ez dauka”. Alegia, munduan armadak bezala polizi lanak ere pribatizatu direla herritarren oharkabean.

Red Pepper aldizkari ezkertiarren blogetakok batean, albisteaz luze idatzi du Tilly Gifford ekintzaileak. Hegazkintzako industriari eta aireportuen handitzeari aurre egin nahi dien *Plane Stupid* mugimenduaren sustatzaileetakoa da.

Giffordek salatu du berrikitan BBC katean polizia buru batek aitortu duela lasai ederrean ingurumenaren aldeko ekintza taldeetan infiltratuta daudela, ez bakarrik poliziak, baita segurtasun konpainia pribatuetakoak ere. Hain zuzen, informazioa ateratzeaz gain, talde horiek izorratzeko.

Plane Stupid gertuagotik kontrolatzeko Gifford berari bi gizon joan zitzaizkion iazko martxoan, Aberdeeneko aireportua itxi nahian zebiltzanean, dirua eskainiz. Amarruaz ohartuta, Gifford eta beste kideek lortu zuten bi tipoak filmatu eta haien irudiak zabaltzea, baina inork ez zien sekula argitu zeinentzako ari ziren informazio bila.

“Ikerketa osoa behar dugu, ez politikoez eta ez poliziek eginga, epaile baten aurrean burutua baizik. Ohar gaitzen polizien eta finantza interes handien arteko loturez: erasotzen ditugun negozioek ingurumenarentzako dauzkaten ondorioak badi-rela haiekin irabazten dituzten diru pilak bezain izugarriak”. ■

English Defence League ultraeskuindarrak antolatu zuen bilera hondartzeko. Militante askok hiriaren erdigunean egin nahi zuten indar erakustaldia, baina Kennedyk proposatu zuen legez kontrako ekintza nabarmenagoak egitea, autoak hondatzea. “Kennedyk primerako modua aurkitu zuen azioari dagokionez bera ausart azaltzeko, eta aldi berean jendea erdigunetik urrun atxikitzeko”. Justu poliziak nahi zuena, antza.

Emily Applek beste batzuekin www.fitwatch.org webgunea animatzen du, ekintzaileei aholkuak eta informazioak eskainiz poliziarren taktika eta estrategiez. *Fitwatch*en azaldu berri dute beste infiltratu baten izena, Lynn Watson, haren istorioa konta-

tuz. “Militanteok segitzen badugu kalean indartzen, poliziak zulatu eta nahastu nahiko ditu talderik nabarmenenak, nola edo hala. Hala ere, Kennedy aferak erakutsi du ekintzaileen elkartasun sarea sendoa dela. Kalteak nozitu dituztenak zaindu eta laguntzeko gai izan gara: horretan eusten badiogu, indartsu izango gara aurrerantzean ere”.

Bestelako lezio gehiago badu polizia mozorrotuarenak. Madrilgo *El País*ek Londresen duen berriemaile Walter Oppenheimer-ek azpimarratu du Mark Kennedyk informazioa pasatzen zion taldea, balizko estremistei jarraipena egiten diena, Association of Chiefs Police Officers (ACPO) elkartearen dela. “Itxurak arren, ACPO erakunde pribatua da,





**ZINKUNEGI
OPTIKA**

Hernani, 23 · 20004 Donostia
T. 943 420 624
info@zinkunegioptika.com
www.zinkunegioptika.com

zuri begira